

菩薩善戒經卷第九

辭九

劉宋罽賓三藏法師求那跋摩等譯

畢竟地攝取品第二十六

菩薩摩訶薩修一切行時有六事善攝衆生
一者至心攝取辭九一者增益攝取三者取攝取
四者究竟攝取五者不畢竟攝取六者後攝
取菩薩摩訶薩初發心時攝取衆生如父母
兄弟妻子眷屬至心繫念方便攝取云何能
施衆生安樂作是願時隨力施與是名善禪
至心攝取菩薩摩訶薩雖於父母兄弟妻子

眷屬中勝心無憍慢倍增供養若為國王於
諸眷屬亦復如是增益者破壞惡法教以善
法隨時禮拜讚歎供養施以衣食所須之物
知恩報恩瞻病授藥於諸僕使不作賤想如
兄弟想若見有罪堪忍舍受言常柔軟無有
麤獷若為國主於諸眷屬不加苦痛不斷其
命遠離刑罰正法治國隨本種姓所有分界
於他國土不生貪奪任力養民作一子想所
有之物與眷屬共所言誠實柔軟不麤離於
慳貪是名菩薩增益攝取菩薩摩訶薩攝取

諸衆生有二因緣一者財施二者法施以財施故破於貧窮以法施故破於邪見於諸衆生其心平等不作法慳不作師相憍慢之想不求恩報不求供養必有求福來供養者亦不遮止爲令福德莊嚴增長故若有修習善法持戒精進之者瞻視供養親爲執使不解義者爲解說義已解義者說令增長若有疑惑網爲說深義能令除斷苦樂同彼心無增減有犯罪者以善方便教令懺悔有時呵責有時讚歎見病苦者瞻視不捨善以方便爲除

所患若有衆生下色下進下念下智心不輕慢隨時爲說正心因緣見愁苦者說法慰喻善自思惟不信他語無能動者若得所施與衆同等修習悲心具足成就或見正命先意問訊遠離惡心常修善法終不放逸遠離懈怠常作是願云何當令我之福德等與一切菩薩摩訶薩非一切時行取攝取有利之時爾乃攝取是名菩薩取攝取若諸衆生諸根闇鈍善根難熟則久遠攝取何以故究竟當有清淨心故若中根中熟則不久遠何以故

雜九

以不久遠得淨心故若有利根易熟上熟易淨易調是名菩薩後有攝取是名菩薩六攝取正法攝取菩薩摩訶薩以此六攝攝取三世一切衆生過去未來現在菩薩攝取衆生悉皆不離如是六攝菩薩摩訶薩攝衆生時有十二難事菩薩摩訶薩知無我無我所無有衆生而爲衆生修習苦行是名一難爲調他故而行訶責亦自護戒不令毀傷是名二難所有物少乞者甚多是名三難菩薩一身繫屬多人趨走給使是名四難放逸諸天同

彼受身而其內心初無放逸是名五難常爲一切衆生作使自於禁戒無所毀失是名六難常與貪欲恚癡慳惜詭曲奸偽惡人共住不隨彼行是名七難了知生死多諸過患而不捨之是名八難一切煩惱生死多過捨命之時心未清淨雖未清淨不失正命是名九難未得淨心能以己身所愛之物妻子眷屬而以施人是名十難衆生異心境界不同或時穢語或時行捨是名十一難終不放逸不斷煩惱是名十二難菩薩摩訶薩於諸衆生

不作輕重或時作輕或時作重或說觀境界或作健心或時立願或不放逸或修百慧或修柔軟或行訶責或時行捨或勤精進或時懈怠或作方便善薩摩訶薩作如是唯於十二難處心不憂悔既能自護又能利他

畢竟地畢竟品第二十七

菩薩摩訶薩修十二行有七地六是菩薩地餘一地聲聞菩薩共一者性地二者解地三者淨心地四者持地五者定地六者定行地七者畢竟地是名七地性行解行各爲一地

喜行名爲淨心地戒行慧行無相行各爲持地無行無相行名爲定地無礙智行名爲定行地如來行名畢竟地畢竟地後當廣說菩薩從下地入淨心地時云何能斷三惡道苦菩薩修習世俗漏禪修漏禪已得世淨禪修淨禪已即得解地莊嚴菩提修習一百一十種悲以修悲故於衆生中即得悲心得悲心故樂三惡道如已舍宅菩薩自觀住三惡道莊嚴菩提時爲衆生故受大苦惱若我淨心有勢力者願令衆生所有苦惱悉集我身善

立大願以善願力世淨禪故遠離身心煩惱
習氣離習氣故轉四大身四大既轉因世淨
禪故不到三惡是故菩薩斷三惡道苦過解
地已入於淨地餘功德如行品中十淨心說
卷九
此十淨法有十對治不作心不發心不受菩

薩戒不信心惡心不修習悲瞋心愛悔心不
慈心放逸心所言麤廣貪惜身命不隨世間
嬾惰懈怠無慚無愧苦惱逼身縗絰怯弱不
能供養佛法僧寶如是等對治不淨是十淨
中初三法者清淨其心後七法者淨於莊嚴

菩薩摩訶薩信於善提及菩提道信菩提道
故見苦衆生生大慈心生慈心故即作是願
願我救濟如是等苦以憐愍故捨身惠施無
所貪惜爲利衆生心無憂悔心不悔故知世
方術知世方術故善知時節隨衆生心以知
時故名知世間以智力故客煩惱來深生慚
愧以慚愧故令彼煩惱不得自在是名勇健
以勇健故無有放逸不放逸故修習善法習
善法故受菩薩戒受菩薩戒故供義三寶供
養三寶故其心清淨是名淨地

畢竟地行品第二十八

菩薩摩訶薩住於解地乃至菩薩地有四行
一者波羅蜜行二者菩提行三者神通行四
者熟衆生行波羅蜜行者六波羅蜜如先說
方便波羅蜜願波羅蜜力波羅蜜智波羅蜜
卷九
是十波羅蜜是名波羅蜜行善方便有十二
種如先說是名方便波羅蜜願有五種如先
說是名願波羅蜜十力莊嚴淨是名力波羅
蜜知一切法是處非處名智波羅蜜知世諦
故名智波羅蜜知第一義諦名般若波羅蜜

復次無量智者名方便波羅蜜求勝勝智名
願波羅蜜不爲四魔之所障故名力波羅蜜
能知諸法真實性故名智波羅蜜四念處乃
至八正道分四求四真智如先說是名菩提
行神通如不可思議品說六通如先說是名
神通行二無量調伏無量方便無量如先說
是名熟行菩薩摩訶薩如是四行攝一切行
菩薩摩訶薩無量阿僧祇究竟具足淨諸善
法勝諸聲聞辟支佛等畢竟攝取菩提道果
畢竟能得阿耨多羅三藐三菩提是故名十

波羅蜜若說次第則有三事一者對治故二者生故三者得果故對於善法有六事一者慳貪二者惡業三者恚心四者懈怠五者亂心六者愚癡以是六法因緣故不得阿耨多羅三藐三菩提爲壞六法故說六波羅蜜檀波羅蜜乃至般若波羅蜜六波羅蜜則攝四波羅蜜是名對治生者菩薩摩訶薩捨於一切世俗之物出家學道是名檀波羅蜜既出家已受菩薩戒是名尸羅波羅蜜以護戒故雖有罵打默受不報是名羼提波羅蜜戒既

清淨勤修善法是名毗梨耶波羅蜜以精進故五根調伏是名禪波羅蜜五根既調知真法界是名般若波羅蜜是名爲生果報者菩薩現在修施等善法若捨身已外得大財內得五具足五具足者生人天中得壽色力安樂辯才是名施果以施因緣修習善法心無嫉妒忍衆罪過是名具足第二果報以施因緣若作世事及出世事心無厭悔是名第三果報以施因緣其心柔軟無有錯亂是名第四果報以施因緣了了能知此是福田此非附九

福田知是可施是不可施善知方便求財取財是名第五果報四波羅密攝六波羅密有三戒一者隨戒戒二者隨心戒三者隨智戒菩薩尸波羅密名爲隨戒戒禪波羅密名隨心戒般若波羅密名隨智戒離是三戒無善薩戒菩薩三戒攝一切戒菩薩有四事能利衆生何等爲四一者爲於菩提修習善法二足下千幅輪三者指纖長四者足跟膚滿五者先以真智知諸法義三者增長善法四者熟衆生根如是四事菩薩能大利益衆生若有說言離是四事能利衆生者無有是處

畢竟地三十二相八十種好品第二十九
十三如來行者名爲畢竟佛地畢竟佛地者有百四十不共之法所謂三十二相八十種好一切行淨十力四無所畏三念處三不護大悲常不忘失斷煩惱習一切智是名百
七四十不共法三十二相者一者足下平二者足下千幅輪三者指纖長四者足跟膚滿五者指網縵六者手足柔軟七者臍膚腸如伊尼延鹿王八者踝骨不現九者平住手摩膝十者藏相如象馬王十一者果圓滿足如尼

拘陀樹十二者身毛上靡十三者一一毛孔右旋十四者身真金色十五者常光面各一尋十六者皮膚細軟塵垢不著十七者七處滿十八者上身如師子十九者臂肘腑圓二十者缺骨平滿二十一者得身臍相二十二者口四十齒二十三者齒密不踈二十四者齒色白二十五者頰車方如師子二十六者味中得上味二十七者肉髻相二十八者廣長舌二十九者梵音聲三十者目紺青色三十一者眼如牛王三十二者眉間白毫

八十種好者二十指是名二十好手足表裏八處平滿兩踝膝胫六處妙好手有三聚肩肘腕六處滿腰奇中是名二好臍及二尻是名二好馬藏二髀是名二好腰齋兩脅兩腋兩乳是名爲八腹胷脊項是名六十上下牙齒上下脣齶兩頰兩鬢兩目兩眉及鼻二孔額上兩頰兩耳頭圓足是名八十

菩薩摩訶薩住淨地已以業力故雖得如是八十種好未大明淨道樹起時乃得明淨不
明淨時謂菩薩地行莊嚴菩提有二種一近

二遠遠者未得三十二相八十種好果報若得名近說三十二相八十種好爲令衆生作善業故衆生造作種種惡業以惡業故得種種惡果是故如來說三十二相八十種好種種善業種種善果衆生聞已即得除破種種惡業菩薩至心修持淨戒故得足下平相供和尚師長有德之人以是因緣得手足柔軟修習善法不知厭足以是因緣得膚腸聞法歡喜樂爲人說爲法走使以是因緣得踝骨不現相三業清淨贍病施藥破除憍慢歛食知足以是因緣得平立手摩膝相見分離下輪相於諸衆生不生害心無劫盜想若見父母和尚師長有德之人遠出奉迎安施牀座恭敬禮拜破除憍慢以是因緣得纖長指

相具上三行得足跟膚滿以四攝法攝取衆生以是因緣得指網綬以好酥油摩洗父母和尚師長有德之人以是因緣得手足柔軟修習善法不知厭足以是因緣得膚腸聞法歡喜樂爲人說爲法走使以是因緣得踝骨不現相三業清淨贍病施藥破除憍慢歛食知足以是因緣得平立手摩膝相見分離者善言和合自修慚愧亦教人修以是因緣得馬藏相自淨三業亦教人淨若有衆生四大不調能爲療治以是因緣得身圓相聞法

歡喜樂爲人說以是因緣得身毛上靡相思
惟諸法甚深之義樂修善法供養父母和尚
師長有德之人若行道路佛塔僧坊除去壞
石荆棘不淨以是因緣得身毛相若以飲食
辟九
瓔珞施人除去瞋心以是因緣獲得二相一
九
者金色二者常光以何業緣得一一毛相即
此業緣得身細軟塵垢不著常施衆生所須
之物以是因緣得七處滿相自破憍慢調柔
其性隨衆生心如法而行爲除不善教以善
法以是因緣得上身如師子相得肩圓相缺

骨平滿相以何業緣得纖指相即此業緣得
身臍相遠離兩舌和合鬪諍以是因緣得四
十齒相齒密不踈相齒齊平相修欲界慈以
是因緣得白齒相見有求者歡喜迎送以是
因緣得方頰車相等視衆生猶如一子以是
因緣得上味相常施衆生無上法味見有忘
者施其憶念自持五戒轉以教人修習悲心
能大法施以是因緣得肉髻相廣長舌相寶
語喜語法語軟語非時不語以是因緣得梵
音聲相修習悲心視諸衆生猶如父母以是

因緣獲得二相一者目紺青色二者眼如牛王見有德者稱實讚歎以是因緣得白毫相三十二相雖復各各說其因緣真因緣者持戒精進何以故若不持戒能修精進尚不得人身況得三十二相無見頂相及肉髻相等無差別復次凡所作事定心不悔以具因緣讚歎不生憍慢覆藏善法不令人知以是因緣得足下平相若至心作以是因緣得千輻輪相第二第三指網缦相七處滿相細軟肩圓缺滿身直廣長舌相若常作者以是因緣得長指相平住摩膝常光一尋相齒密不疎相

若淨作者以是因緣獲得餘相復次若於衆生生淳善心以是因緣得手足柔軟膚體細滑塵垢不著次第修習時節修習以是因緣得第二第三第四相喜修善法心無悔退以是因緣得金色身常光齒白眉開毫相若聞讚歎不生憍慢覆藏善法不令人知以是因緣得馬藏相所修習法迴向菩提以是因緣得一孔一毛相身毛上靡口四十齒最上味相勤精進故以是因緣得方頰車上身如師子相至心愛念一切衆生如視一子以是

因緣得齒齊平紺青如牛王眼相修習善法
不知歟足以是因緣獲得餘相菩薩摩訶薩
住性行時修三十二相業住淨行時雖有如
是三十二相相不具足未得明淨住十三行
爾乃了了明顯具足一切佛法雖無量相衆
生不同有下中上不可思議是故佛說三十
二相一切衆生所有功德和合集聚正與如
來一毛相等一切毛孔所有功德和合集聚
乃成一好合集衆好所有功德增至百倍乃
成一相唯除白毫無見頂相合集其餘一切

諸相增至千倍成是二相和合集聚三十二
相八十種好所有功德增至千萬億倍乃成
如來深遠螺音其聲聞于無量無邊諸佛世
界如來成就如是等無量無邊功德以是義
故如來世尊名爲無上所行之法名無上行
三十二相八十種好有三種無量一者三劫
前無量二者修善無量三者利益衆生無量是
故說言如來成就無量功德

畢竟地住品第三十

菩薩四淨者一者身淨二者緣淨三者心淨

四者智淨求斷習氣得清淨器成阿耨多羅三藐三菩提身得自在生滅自由是名身淨神通自在名爲緣淨修習善法心離煩惱是名心淨知一切法無有罣礙得自在智知一切法行是名智淨菩薩以是四清淨法獲得十力何等爲十一者知是處非處力二者知諸業力三者知諸禪定解脫力四者知諸根利鈍力五者知諸衆生解力六者知衆生界力七者知至處道力八者知過去世力九者天眼力十者漏盡力如來所說真實無二是

故名爲多陀阿伽度若說善果及不善果真實因緣眞實體眞實性眞實住眞實生是名是處善不善果非因作因是名非處破橋慢智名眞實智名一切智名無礙智名爲淨智名離慢智數次第故名第一力無有上故名一切行利益衆生破壞諸魔故名爲力眞實莊嚴得自在故名爲具足能破一切諸恐怖故名爲涅槃因八正道因破諸苦故名爲無上如法住故名爲眞實自得淨法憐愍衆生而爲演說故名爲梵輪梵輪者名爲如來如

來者名爲清涼清涼者名之爲戒受持淨戒
如戒而說是名清淨正說實說利益而說廣
大說無礙說一切說畢竟說無上說無漏說
無爲說外說現前說是故名爲大師子吼說
善力方便說真實因以真實因緣得真實果
第十九
所謂人天及無上果無上果故名爲無上若
作業已增長得果名爲過去有作業已未受
果報亦名過去未作業故作未得果欲得是
名未來已作之業未得果報受果之業已滅
過去是名現在去來現在業有三種謂身口

意果身口意果何處造作身口意善業是處
得果何處造作身口意惡業是處得果是名
是處純善之業不得惡果是名非處不善惡
業不得善果是名非處人業不受地獄果報
是名非處地獄之業不受人報是名非處唯
除能修身戒心慧今地獄報人中輕受以相
似故名地獄報人中輕受故名人果是名是
處非處四禪八解脫如是等法自在修得以
自在故是故如來常在三昧說法之時梵天
二等唯聞音聲不見形貌如是等禪定解脫

有二種煩惱謂未得欲得憂得退失憂如
來已斷如是二憂得大自在知諸衆生一切
心想躰得了知心不貪著不生歡樂修習具
足欲得便得大得易得得已不退是名第三
第十九
禪定解脫力知信等五根有上中下從聞生
十三
者正思惟生者是名根力知上中下欲是名
解力知種種性聲聞性緣覺性如來性衆生
貪性乃至八萬四千煩惱是名第五力知因
煩惱獲得種種世界之身是名第六力知諸
煩惱各有對治知一切有亦各有對知破一

切惡邪見對是名至處道力了知四方種種
衆生種種名字過去衆生念八事一名二生
三姓四食五受苦樂六壽七住八者命終復
念六事一者名字二者刹利等姓三者親族
父母四者飲食五者貧富六者壽夭是名第
八力天行名爲四禪得四禪果故名爲天眼
具足獲得淳善果故名爲清淨眼不同故名
過天眼有欲界天眼雖復名同以不淨故不
名天眼天眼知者見衆生墮墮者名天復有
墮者名爲人死生名中陰中陰有二種一者

善二者不善不善中陰色如黑邊褐夜闇之時淨眼乃見清淨天眼見中陰色亦復如是善中陰色如婆羅捺女衣明月之時淨眼乃見清淨天眼見中陰色亦復如是黑色者名下行衆生白色者名上行衆生身口意惡業因緣故名爲下行身口意善業因緣故名爲上行惡業者名爲邪見邪見有二一者可轉二不可轉誹謗因果言無聖人名不可轉非因見因非果見果是名可轉是故惡業名爲邪見善業者名爲正見不謗四語信善惡業

真實果報是故善業名爲正見惡業因緣死入地獄受不樂果故名地獄放逸惡業共爲翹羽必至地獄若受惡報若惡畢竟是名惡死明見因果故名天眼善業因緣過於惡死受樂果報受人天身以正見故得生善有生善有者名爲人天眼見了了故名天眼云何善有以善因緣獲得善果是名善有是名第九力以修身戒心慧因緣斷一切漏以斷漏故獲得無漏身戒心慧無漏身戒心慧有二種見道修道以二道故心得解脫慧得解脫

得心慧解脫故能示神通教化衆生是名第
十力十力菩薩知性知分別知自相共相不
共相知平等知業知次第知勝不勝菩薩能
知如是七事知性者十力性即五根性以慧
多故名爲智性是故說言知處非處不言信
處非處乃至漏盡亦復如是分別者有二種
一者分別時二者分別行三者分別自相共
相十力能知一切時所謂過去未來現在是
名分別時十力能知一切十方世界無量煩
惱對治是名分別行十力能知一切色相是

各自相知色無常乃至一切法無常是名異
相是名分別自相共相不共者十力不共一
切聲聞緣覺十方諸佛同得十力是名平等
知業者處非處力因實知因果實知果是第
一力如來了知自業果報亦知衆生所有業
處非處乃至漏盡亦復如是分別者有二種
一者分別時二者分別行三者分別自相共
相十力能知一切時所謂過去未來現在是
名分別時十力能知一切十方世界無量煩
惱對治是名分別行十力能知一切色相是
果因禪定解脫力故如來得三種示現能調
解九十五
衆生因知根力了知衆生下中上根以知根
故隨根說法因解力故如來了知一切衆生
善性惡性爲除惡性教以善性因知世界力

知世界故知衆生界知衆生界故隨根隨心隨其煩惱而爲說法云何如來初教衆生令入佛法如來若教聲聞菩薩初入佛法作如是言善男子汝應修習深樂寂靜空閑獨處汝初生時父母爲汝所立名字乃至諸師和尚所立名字當至心觀如我此字父母諸師和尚所作於內外六入有耶無耶善男子汝若離於內外諸入不見有者汝於爾時得真實知知是名字虛假不真法亦不真名亦不真以名字法不真實故云何於是而生憍慢

善男子汝於爾時復應觀眼及眼名字眼有二種一者名字二者流布眼名非眼眼相非眼若有一物名爲眼者是物亦無若實有眼名亦應實若真實者衆生生時自應識知不須教誨未見不教而能知者以是義故知名亦不實物亦不實如眼識亦如是作是觀時除斷內外諸入貪著以斷內外貪故斷一切法相以斷一切法相真實知於一切法性一切法性者謂不真實無有相貌善男子作是觀時若欲得一切智欲得大慈大悲欲得初

禪乃至非想非非想欲得性行乃至如來行
欲得菩薩地六通乃至阿耨多羅三藐三菩提
提悉能得之是名第六力因至處道力知真
實道不真實道壞不真道示以真道因宿命
力故知受衆苦知已不樂生死亦教衆生不
第十九
樂生死壞於常見因天眼力授人記前斷於
斷見因漏盡力如來自知已得解脫能壞衆
生見非如來謂真如來見非沙門言實沙門
非婆羅門言實婆羅門如來得阿耨多羅三
藐三菩提時得是十力一時而得云何而說

有次第耶如來得阿耨多羅三藐三菩提時
初觀因果是故初名處非處力如是因果誰
所受作是名業力以破業故修習禪定爲知
衆生誰能修習誰不修習故觀諸根根有三
種謂下中上是名衆生性是第五力以知性
故知心淨不淨是名世界欲知淨心及不淨
心因緣故知至處道如是道者斷常斷見是
名宿命天眼力二見斷故諸漏未盡名漏盡
力是名次第復有次第如來侍阿耨多羅三
藐三菩提時最初先觀是處非處次觀世業

破世業故觀禪解脫及觀衆生能修習道不能修習故次天眼見諸衆生諸根利鈍爲欲知故餘如先說復有次第如來得阿耨多羅三藐三菩提時觀十二因緣是處非處十二因緣由何而出是故觀業衆生諸業或有受報或不受報故天眼觀何等爲衆生故觀法界是名爲解法界世界無有差別欲知難調易調故知宿命爲知受教不受教故知根利鈍知已爲說八正道分名至處道以道力故斷諸煩惱名漏盡力處非處力及以業力有

何差別善業惡業了知善果及以惡果是名是處非處力作者定受不作不受是知業力爲欲調伏不善業故修習禪定調伏有二種一者信二者不信是故觀根信心有二種一者信三寶二者信摩醯首羅是名爲解脫有三種謂下中上是名世界力知世界已說於世道聲聞道緣覺道菩薩道佛道是名至處道力觀諸衆生善固惡因重業輕業是名宿命力因是知故斷常斷見是名天眼真實見故諸漏永盡是名漏盡力十力之性悉是智

性無有差別以境界緣故說有差別四無所畏如常說如來爲衆生說於四事一者聲聞不共法解脫二者聲聞共解脫三者衆生苦解脫四者爲衆生斷苦得解脫說於對治聲聞不共者我所覺知若言有法汝不知者我亦不見沙門速羅門若人若天若魔若梵如法而言不知不見以不見故不生羞畏我漏盡若言不盡不見沙門乃至魔梵如實而言汝漏未盡以不見故不生羞畏我已得道若言是道非畢竟者我亦不見有諸沙門乃

至魔梵如實而言汝未得道見非畢竟以不見故不生羞畏我說障道若言不障我亦不見有諸沙門乃至魔梵如實而言說障非障以不見故不生羞畏佛所說道爲諸菩薩及諸聲聞佛涅槃後集結藏時聲聞藏中除菩薩名菩薩藏中安菩薩名是故方等名菩薩藏不共聲聞者謂如來三念處如來說法至心聽受心得歡喜受諸安樂如法而住不違佛教佛亦不喜修習捨心不失正念亦不放逸如來說法有不信受違反所說佛亦不瞋

雜九

十
菩薩名菩薩藏中安菩薩名是故方等名菩薩藏不共聲聞者謂如來三念處如來說法至心聽受心得歡喜受諸安樂如法而住不違佛教佛亦不喜修習捨心不失正念亦不放逸如來說法有不信受違反所說佛亦不瞋

無有惱惱修習捨心不失正念亦不放逸如來說法或有聽者有不聽者聽者不喜不聽不愁修習捨心不失正念亦不放逸是名三念處復有不與聲聞共者謂三不護如來不護身口命有阿羅漢無記業起失念心故無

記業者名突吉羅如來已斷一切無記業何以故常修正念故是故如來隨心而說呵責眷屬所謂驅擯麤言加之心無畏難何以故身口命淨故復有不與聲聞共所謂大悲如先說如來作何事何處作何因緣作云何作

何時作如來諸事能如實知是名念心如來知何事者謂一切行何處者一切世界何因緣者爲調伏衆生云何作者謂善方便何時作者謂一切時以是故如來常修正念之心如來世尊若動若臥若語若行若住若作一

切時中無煩惱習是故說言如來永斷煩惱習氣阿羅漢等則不如是是故不與聲聞共也如來覺知三種法聚一者得利益義聚二者非利益義聚三者非利益非不利益義聚如來了了知是三聚是故說言如來得一切

智如是等一百四十不共之法不與聲聞辟支佛共是故名爲聲聞不共菩薩行時得三十二相八十種好然不明淨坐道樹下無師修習三十七品乃得明淨學地菩薩得金剛三昧已次第二念得十力一切佛法乃至一切淨智以得故名一切智無礙智無障智淨智寂靜智清淨智具足智是名畢竟地過一切菩薩行一切菩薩地入如來地如來行得無上身轉菩薩身永斷習氣住畢竟地菩薩摩訶薩覩見佛法如羅縠中視如來世尊都

無斯事是故名淨住畢竟地菩薩見於佛法如遠見色諸佛見法如近見色畢竟菩薩見於佛法如聞見色諸佛見法如畫見色畢竟菩薩如未出胎諸佛世尊如已出者畢竟菩薩如夢所見諸佛世尊如覺見物畢竟菩薩如燈不明諸佛世尊如盛明燈菩薩得阿耨多羅三藐三菩提已能於一切諸佛世界施作佛事作佛事者有九種一一佛事能大饒益無量衆生何等九一者自爲大丈夫事能令衆生信丈夫事二者以三十二相八十種

好莊嚴其身爲利衆生破其疑網三者如來
具足十力具足十力故能利衆生若有問言
云何爲力則能善解破其疑心調伏衆生壞
破邪見四者如來具足四無所畏爲信三寶
爲調衆生爲破邪見爲大師子吼五者如來
具足三念處第廿九如說而行如行而說破諸煩惱
能畜衆能化衆生六者如來具足三不護
法爲利衆生爲調衆生晝夜常以佛眼觀察
諸衆生七者如來具足大悲爲具足羼提波
羅密爲令衆生離諸苦故爲施安樂故八者

如來具足無錯謬不失念心是故無師如法
而行如法而住爲利衆生令調伏故爲壞衆
生諸放逸故九者如來永斷煩惱習氣知義
法非義法非義非非義法是故如來說於義
法離非義法非義非非義法如來具足一百
四十不共之法如是九事能作佛事是名如
來行是名如來地是名如來畢竟地何以故
爲如來行如來地如來畢竟地於無量億那
由他劫受菩薩戒修菩提行畢竟菩薩能教
無量無邊衆生住畢竟地如來一切佛法悉

爲衆生不自爲已聲聞緣覺所有之法但爲自利少利於他是故二乘無不共法無上佛法終無似於聲聞辟支佛法大悲不錯謬斷習氣一切智五智三昧如來具足一切不共之法是故名爲無上此經演說菩薩禁戒菩薩道菩薩戒果一切菩薩行一切菩薩戒眾行是故名爲菩薩地名菩薩藏菩薩摩夷攝取一切大乘經典無礙智經若天若人若沙門若婆羅門信是經典受持聽說讀誦書寫廣說修習分別其義見有持者供養恭敬等

重讚歎燈燭香華妓樂供養當知是人常爲十方諸佛之所護念稱說其名得無量功德衆何以故菩薩戒因緣得阿耨多羅三藐三菩提受持讀誦書寫解說菩薩戒故如來正法久住不滅諸惡比丘漸就損減若無菩薩戒者諸惡比丘漸漸熾盛如來正法不久則滅爾時優波離白佛言世尊此經當名何經優波離是名善戒名菩薩地名菩薩毗尼摩夷名如來藏名爲一切善法根本名安樂因名諸波羅蜜聚爾時優波離聞佛所說歡喜

禮拜右繞而去

菩薩善戒經卷第九

音釋

纖	息廉切	腿	古痕切	項	頸切
	細也		足踵也		
縵	官切	腨	市充切	荆	荆舉鄉切
	古協切		腓腸也		
臍	旁也	踝	胡毛切	棘	棘紀力切
	股苦宮切		旁曰內外		
尻	兩切	胫	兩切	襪	襪何葛切
	骨苦刀切		膝必至		
	處切		切腕也		
	也脊切		肘必至		
	脣肩補各切		切腕節也		
	脣也		肘必至		

腋
腋下業切
脅
脅益切左右脅五名切
脰
脰間切
齒
齒肉也
頸
頸牙切
荆
荆舉鄉切
棘
棘紀力切
襪
襪何葛切
葛
葛朱切
繩
繩髮褐切
褐
褐朱切
織
織髮褐切
織
織髮褐切
突
突云大也
吉
吉云大也
羅
羅云大也

永樂北藏

菩薩善戒經

第七六册